

S. C. C. die 15 Martii 1727 respondit : Ad I, affirmative; ad II, affirmative pro ultimis procuratoribus, et amplius.

115. TIBURTINA, in qua ad seq. dub.

I. An in electionibus abbatissarum in monasteriis sub disciplina Regularium Minor. de Observantia possit episcopus secum conducere cancellarium; et quatenus affirmat.

II. An liceat eidem cancellario interesse, ac assistere scrutiniis ac electionibus abbatissarum, quæ fiunt in monasteriis Monialium ordinis Minorum de Observantia Tiburis; et quatenus negative.

III. An saltem dictus cancellarius, durante scrutinio permanere possit intra ecclesiam, in casu, etc.

S. C. C. die 26 Aprilis 1727 respondit : Ad I, affirmative; ad II, negative; ad III, nec cancellarium, nec fratres, exceptis superiore et scrutatoribus, permanere posse intra ecclesiam.

116. ROMANA, in qua ad seq. dub.

An, et a quo sint solvenda utensilia pro celebratione Missæ quotidianæ, et ad quam rationem, in casu, etc., ita ut sit standum, vel recedendum a decisio die 24 Augusti 1720.

S. C. C. die 10 Maii 1727 respondit : *Prævio recessu a decisio esse solvenda a capellano ad rationem scutorum quatuor quolibet anno, et ad eminentissimum præfectum.*

117. MACERATEN. in qua ad seq. dub.

An episcopus Maceraten. possit jure ordinario visitare confraternitatem sub invocatione S. Mariæ Misericordiæ erectam in ecclesia ejusdem tituli, sita in castro Urbisaglia, quamvis in solo Basilicæ Lateranensis aedificata sit, in casu, etc.

S. C. C. die 10 Maii 1727 respondit : *Affirmative.*

118. MAZARIEN. in qua ad seq. dub.

I. An episcopus habens facultatem dandi benedictionem apostolicam constitutus in articulo mortis, teneatur quoad Moniales eam committere eorum confessario ordinario, vel potius sit in ejus facultate aliquando ingredi monasterium, ut eis det benedictionem, et quatenus affirmative, quoad secundam partem.

II. An, et quibus sociis comitatus monasterium ingredi debeat.

III. An episcopus, et confessarii, sive ordinarii, sive extraordinarii ingredi possint monasterium absque ulla limitatione, quando vocentur ab aliqua moniali infirma, quæ pro sua devotione vult confessionem explere.

IV. Quænam sint conditiones requisitæ, ut Regulares habentes facultatem dandi habitum suæ religionis mulieribus non collegialiter viventibus, dictum habitum dare possint, et an examen dictarum facultatum pertineat ad episcopum.

S. C. C. die 10 Maii 1727 respondit : Ad I, negative quoad primam partem, et ad secundam affirmative, et ad dominum secretarium cum eminentissimo secretario Brevium; ad II, debere ingredi in casu, de quo agitur cum confessario Monialium, et uno probro sacerdote per eum eligendo; ad III, uniantur decreta; ad IV, examen facultatum concedendi habitum pertinere ad Sedem Apostolicam; examen conditionum quoad mulieres vestiendas, et licentiam vestiendi pertinere ad Ordinarium; et conditiones vestiendarum esse expressas in decretis generalibus alias editis, et hæc decreta esse omnino servanda.

119. VALVEN. seu SULMONEN. in qua ad seq. dub.

I. An ecclesia noviter constructa in terra Scanni sub invocatione S. Mariæ Liberatrici sit subiecta jurisdictioni episcopi Valven. et Sulmonen. et respective parrocho ecclesiæ matricis ejusdem terræ, ita ut liceat parrocho, et clero ecclesiæ matricis exercere actus jurisdictionales, et gerere functiones sacras absque dependentia a laicis.

II. An liceat in eadem ecclesia habere sepulcra, et

respective possint cadavera tumulari absque licentia, et in præjudicium jurium parochialium.

III. An patres conventuales terræ Scanni vocati a prioribus, et officialibus laicis ecclesiæ constructæ in dicta terra sub invocatione S. Mariæ Liberatrici ad celebrandum Missas, easque canendum in dicta ecclesia, atque alia similia peragendum, possint impediri et prohiberi; et quatenus, etc., pro quibus actibus, et a quo, in casu, etc.

S. C. C. die 10 Maii 1727 respondit : Ad I, ecclesiam esse subjectam episcopo quoad jura episcopalia, et parrocho quoad jura parochialia; cæterasque sacras functiones posse in ea fieri a parrocho et clero, volente episcopo absque ulla dependentia a laicis; ad II, licere habere sepulcra, accedente licentia episcopi, et posse in eis cadavera tumulari, si eligatur sepultura absque licentia parrochi, sed salvis juribus parochialibus; ad III, affirmative et doceatur de legitima erectione confraternitatis.

120. FLORENTINA, in qua ad seq. dub.

I. An archiepiscopus visitans ecclesias, et vicarias subjectas monasterio Casinensium, possit exigere procurationem, in casu, etc., et quatenus negative.

II. An teneatur archiepiscopus restituere procuraciones exactas, in casu, etc.

S. C. C. die 7 Junii 1727 respondit : Ad I, negative; ad II, esse restituendas pecunias depositas.

121. NOVARIEN. in qua ad seq. dub.

I. An occasione delationis cadaverum sive parochiæ S. Crucis, sive aliæ ad ecclesiam exteriorem monialium Capuccinarum parrocho S. Crucis pertineat jus funerum cum cruce, et stola privative ad confessarium dictarum monialium, seu potius ipsi confessario, et an in supposito debeatur ipsi parrocho quarta funeris ceræ etiãsi posita super altare, esto, quod cadaver sit aliæ parochiæ.

II. An possit parrochus in eadem ecclesia, et in suffragium defunctorum inibi tumulorum explere anniversaria cum Officio, et Missa in cantu, sive ex devotione hæredum, sive ex dispositione testatorum.

III. An liceat ipsi parrocho in Sabbato Sancto benedicere collocutoriis, aut januæ monasterii, vel hospitio Tertiærum connexo, tum etiã Tertiariis ipsis administrare sacramenta, sive in vita, sive in morte, vel eorum exsequias peragere pro tumulo intra ipsam ecclesiam.

IV. An valeat parrochus in dicta ecclesia assistere matrimonii, vel eorum denuntiationes facere, aut benedictiones mulierum post partum, vel similes impertiri, in casu, etc.

S. C. C. die 23 Augusti 1727 respondit : Ad I, quoad primam dubii partem affirmative, ad secundam negative, ad tertiam servetur solitum; ad II, affirmative quoad anniversarium relictum a Pedrellio, et quoad alia coadjuventur probationes; ad III, negative quoad primam partem, et ad secundam, ad mentem; ad IV, negative, et amplius in omnibus.

122. ACERRARUM, in qua ad seq. dub.

I. An canonici ecclesiæ cathedralis Acerrarum teneantur certiorare reverendissimum episcopum de capitulo per eos explendo circa materias concernentes interesse ejusdem capituli, et quatenus affirmative.

II. An, et quomodo sit certiorandus.

III. An prædictis canonice liceat ab eorum diocesi abesse absque licentia episcopi, et quatenus negative.

IV. An sustineatur edictum reverendissimi episcopi, etiã quoad absentiam paucorum dierum, et respective trium mensium a S. Concil. Trident. concessorum.

V. An pœna ducatorum 12 imposita per episcopum adversus canonicos non intervenientes congregationi Casuum moralium, et sacerorum Rituum sustineatur, sive potius sit moderanda.

VI. An canonici, qui respondere debent casibus moralibus in dicta congregatione proponendis teneantur pati extractionem, ut dicitur a sorte, sive potius sit servanda consuetudo respondendi.

VII. An, et quanto tempore se expedire debeat episcopus a sua visitatione.

VIII. An pœna ducatorum centum ab episcopo imposita contra canonicos absentes de tempore visitationis absque ejus licentia, sustineatur.

IX. An sustineatur edictum episcopi præscribens modum accedendi ad chorum ad effectum recitandi Horas canonicas, sitque observandum, sive potius sit servanda consuetudo, et idem edictum moderandum.

X. An dicti canonici ultra Missam conventualem teneantur quoque celebrare Missam de feria, et an dictam Missam conventualem teneantur applicare pro benefactoribus, sive potius sit servanda consuetudo.

XI. An dicti canonici teneantur quolibet mense celebrare anniversarium pro benefactoribus, sive potius sit servanda consuetudo.

XII. An dicti canonici ultra Horas canonicas teneantur quoque in choro recitare Officium Defunctorum, B. M. Virginis, et psalmos pœnitentiales, et graduales, sive potius sit servanda consuetudo, et quatenus affirmative.

XIII. An in casu deficientiæ sit exsequenda pœna ab episcopo imposita.

XIV. An canonici infirmi pro lucrandis distributionibus quotidianis, teneantur servare edictum episcopi, sive potius sit servanda consuetudo.

XV. An præfati canonici teneantur inservire eorum ecclesiæ alternative, et per hebdomadam, sive potius quotidie, et quatenus affirmative quoad secundam partem.

XVI. An suspensio imposita per eundem episcopum in casu absentia sustineatur, et quatenus affirmative.

XVII. An, et quomodo incurrant eandem pœnam suspensionis.

XVIII. An suspensio relaxata per episcopum contra nonnullos canonicos sustineatur, in casu, etc.

XIX. An sustineatur edictum episcopi, quo sub pœna suspensionis ipso facto præcipitur, quod canonici non possint frui absentia trium mensium a sac. concilio Trid. concessorum tempore Adventus et Quadragesimæ.

XX. An sustineatur idem edictum episcopi, quo sub eadem pœna præcipitur, ut ultra tertiam partem non possint simul frui dicta absentia trium mensium, et quatenus negative.

XXI. An, et in quo numero liceat eis abesse.

XXII. An sustineatur aliud edictum episcopi, quo sub eadem pœna suspensionis præcipitur, ut epistola in Missa conventuali canatur ab uno ex canonicis choro inservientibus, sive potius sit servanda consuetudo canendi dictam epistolam per clericum inservientem celebranti.

XXIII. An procurator capituli possit abesse a servitio chori ex causa sui officii per quinque menses, juxta præscripta in statutis ipsius ecclesiæ cathedralis.

S. C. C. die 23 Augusti 1727 respondit : Ad I, affirmative, si episcopus fruatur præbenda canonicali; ad II, esse certiorandum per canonicum secretarium, vel alium canonicum sub pœna tamen nullitatis actus in casu contraventionis; ad III, negative sub pœna ducatorum quinque tantum in casu contraventionis, et in subsidium suspensionis; ad IV, provisum in tertio; ad V, pœnam esse reducendam ad solutionem unius ducati pro quolibet vice; ad VI, affirmative quoad primam partem, et negative quoad secundam; ad VII, episcopum curare debere, ut quanto citius se expediat a S. visitatione ad formam concilii; ad VIII, pœnam esse reducendam ad ducata quinque; ad IX, edictum esse observandum in diebus tantum so-

lemnibus; ad X, affirmative quoad primam et secundam partem, et negative quoad tertiam; ad XI, servandam esse consuetudinem; ad XII, ut ad proximum; ad XIII, negative; ad XIV, hortandos esse, sed non cogendos; ad XV, negative ad primam partem, affirmative quoad secundam; ad XVI, non sustineri nisi in subsidium; ad XVII, satis provisum in præcedenti; ad XVIII, negative; ad XIX, affirmative, deletis verbis, Ipso facto; ad XX, ut ad proximum; ad XXI, satis provisum in præcedenti; ad XXII, Missam conventualem esse canendam cum diacono et subdiacono, deleta pœna suspensionis; ad XXIII, negative, sed tantum abesse posse pro tempore necessario pro suo Officio explendo.

123. ALEXANDRINA, in qua ad seq. dub.

I. An confraternitas S. Mariæ Misericordiæ, et S. Rochi civitatis Alexandriæ, aggregata archiconfraternitati S. Rochi Urbis, possit sine licentia et interventu parrochi exponere in suo oratorio lignum S. crucis.

II. An eadem confraternitas possit pariter sine licentia, et interventu parrochi exponere in suo oratorio sanctissimam Eucharistiam, in casu, etc.

Sac. C. C. die 11 Februarii 1728 respondit : Ad utrumque affirmative accedente licentia episcopi, et amplius.

124. BONONIEN. in qua ad sequentia dubia.

I. An parrochus pro tempore ecclesiæ S. Mamantis debeat esse pater spiritualis confraternitatis Sanctæ Mariæ de Libertate, vel potius, jus eligendi sibi patrem spirituale amovibilem pertineat ad eandem confraternitatem.

II. An parrochus invitari debeat, ut præsideat congregationibus faciendis pro dispensatione dotis relictæ ab Angelo Michaelæ de Vabotis, seu, etc., et cujuscunque imposterum relinquendæ, nec non in his quæ concernant temporalia, ac rerum æconomiam.

III. An parrochus invitari debeat, ut præsideat congregationibus faciendis tam in imbussationibus et extractione priorum, et officialium, quam in redditione rationum.

IV. An parrochus invitari debeat quibuscunque congregationibus versantibus circa spiritualia, et ritum.

V. An parrochus interesse possit, si velit, in præmissis congregationibus, in quibus decisum erit, invitandum non esse.

VI. An confraternitas independenter a parrocho explere possit quascunque functiones in propria ecclesia.

VII. An prosolitis exercitiis spiritualibus peragentibus a confraternitate a die Dominicæ Ascensionis, ad diem festum S. Michaelis archangeli Septembris ultra licentiam Ordinarii, requiratur etiã consensus parrochi, in casu, etc.

VIII. An præstanda sit eleemosyna parrocho, vel alteri per eum deputando celebranti Missam, tam pro consecratione quam pro consummatione sanctiss. Sacramenti exponendi in hujusmodi exercitiis, in casu, etc.

IX. An parrochus dando benedictionem cum venerabili Eucharistiæ sacramento, quidquam prætere possit, ut tradatur ecclesiæ parochiali, seu potius id gratias agere debeat.

X. An parrochus, vel interveniens ad canendam Missam, vel ad dandam benedictionem, habeat jus sibi eligendi diaconum, subdiaconum, cæterosque ministros.

XI. An confraternitas occasione dictorum exercitiarum quæstare possit per ecclesiam pro animabus purgatorii, et quatenus affirmative, cui cedere debeant eleemosynæ.

XII. An Missæ cum prædictis eleemosynis celebrari debeant in ecclesia confraternitatis, vel potius in ecclesia parochiali.

XIII. An festis diebus SS. Jacobi et Annæ, in

quibus exponitur in ecclesia confraternitatis imago S. Mariæ de Libertate, cum indulgentia plenaria, parochus impedire possit, ne ibidem administrentur sacramenta Pœnitentiæ et Eucharistiæ.

XIV. An confraternitas ultima Dominica Septembris ducere possit processionem cum prædicta imagine ad plateam magnam civitatis, cum assistentia parochi, vel eo deficiente, proprii capellani, ac populo benedicere tam in dicta platea quam sub stilicidio propriæ ecclesiæ, et intus eandem.

S. C. Concil. die 15 Maii 1728 respondit : *Ad I, negative quoad primam partem, affirmative quoad secundam cum approbatione tamen Ordinarii; ad II, negative; ad III, affirmative; ad IV, recurrant in casibus particularibus; ad V, provisum in superiori; ad VI, affirmative dummodo non sint prohibita a decretis generalibus synodalibus; ad VII, negative; ad VIII, negative, et Missas esse celebrandas absque elemosyna; ad IX, negative ad primam partem, et affirmative quoad secundam; ad X, negative; ad XI, quoad primam partem affirmative de licentia Ordinarii, et elemosynas esse erogandas in suffragium animarum purgantium; ad XII, affirmative quoad primam partem, negative quoad secundam; ad XIII, negative, et serventur constitutiones synodales; ad XIV, affirmative, accedente tamen licentia Ordinarii, et comitante parochi vel alio sacerdote de ejus licentia.*

125. FOROSEMPRONIEN. in qua ad seq. dub. An collegio et ecclesiæ S. Caroli PP. clericorum regularium S. Pauli Barnabitarum Forosempronii competat jus tumultandi, in casu, etc.

S. C. Concil. die 19 Junii 1728 respondit : *Affirmat.*

126. THEANEN. in qua ad seq. dub.

I. An jus nominandi concionatorem quadragesimalem ex ordine S. Dominici spectet universitati Conchæ, seu potius episcopo Theanen., et quatenus affirmative quoad primam partem.

II. An dicta universitas teneatur per duos menses ante initium Quadragesimæ exhibere episcopo nominationem dicti prædicatoris, in casu, etc.

III. An prædicator, ut supra nominatus ex ordine S. Dominici, et a suis superioribus Regularibus approbatus teneatur reportare ab episcopo licentiam, et litteras patentes, seu potius petere solam benedictionem, in casu, etc.

IV. An idem prædicator teneatur prædicare in ecclesia collegiata parochiali, seu potius in ecclesia SS. Annuntiationis sui ordinis, in casu, etc.

V. An idem prædicator teneatur saltem in aliquibus diebus Quadragesimæ prædicare etiam in aliis ecclesiis ejusdem loci, in casu, etc.

VI. An episcopus Theanen. potuerit prohibere concionatori, ut supra electo, et nominato ab universitate, ne prædicationem haberet in ecclesia SS. Annuntiationis sui ordinis, in casu, etc.

S. C. Conc. die 19 Junii 1727 respondit : *Ad I, affirmative quoad primam, negative quoad secundam partem; ad II et III, affirmative; ad IV, teneri in utraque juxta solitum; ad V, ut in quarto; ad VI, provisum in superioribus.*

127. LUCANA, Legati Pii, in qua ad seq. dub.

I. An legatum unius feruli singulis hebdomadis factum PP. Capuccinis, sit perpetuum, in casu, etc., et quatenus affirmative.

II. An sustineatur, in casu, etc., et quatenus affirmative.

III. An onus præstationis dicti legati qualibet hebdomada sit transferendum in capellaniam erigendam.

S. C. Concil. die 31 Julii 1728 respondit : *Ad I, affirmative; ad II, servetur decretum R. Fabricæ anni 1633; ad III, affirmative juxta votum episcopi, et firma remanente obligatione bonorum hereditiorum in casu diminutionis.*

128. ORITANA Funerum, in qua ad seq. dub.

I. An intortitia, quæ deferuntur accensa per

viam circa cadaver, spectent ad reverendissimum capitulum collegiatæ, an vero ad PP. Capuccinos.

II. An dicti PP. Capuccini teneantur solve dicto rever. capitulo uti parochi habituali quartam funeralem de omnibus cereis ad tenorem bullæ SS. domini nostri, quæ incipit : *Romanus Pontifex.*

Sac. C. Concil. die 12 Februarii 1729 respondit : *Omnia spectare ad PP. Capuccinos, dempta quarta, et amplius.*

129. BURGI S. DOMINI, in qua ad seq. dub.

I. An pro dote beneficiorum, vel capellaniarum cum perpetuo onere Missarum erigendarum sint assignandi fructus terrarum fructiferarum, vel potius annui census.

II. An dato præcepto testatoris erigendi beneficia cum perpetuo onere Missarum erigendarum, sint assignandi fructus terrarum, vel cum dote pecuniæ numerate detur pro assignanda dicta dote delectio terrarum, vel quatenus negative.

III. An tanta danda sit ab hærede summa pecuniarum, ut in terris investita constituantur fructus congrui pro sustentatione onerum Missæ quotidianæ in perpetuum.

IV. An, et in qua summa constituendi sint fructus pro sustentatione oneris Missæ quotidianæ in perpetuum.

V. An, et ejus expensis, hæredis scilicet vel legatarii, facienda sit erectio beneficiorum.

S. C. C. die 30 Aprilis 1729 respondit : *Assignanda esse tot bona stabilia hereditaria, quæ æstimata juxta morem regionis quotannis redderent in fructu annua scuta 70 moneta, tam pro elemosyna Missarum, quam pro expensis necessariis pro illarum celebratione, et erectionem esse faciendam expensis hæredis.*

130. MACERATEN. Utensilium, in qua ad seq. dub.

I. An ad tenorem resolutionis capta die 14 Aprilis 1683, sacerdotes sæculares celebrantes recepta elemosyna in ecclesia PP. Minorum conventualium Montis Milonis teneantur solve ceram, et consumptionem indumentorum sacrorum, et quatenus affirmative.

II. An dicti sacerdotes sæculares scribere teneantur in libro in sacristia asservato ipsos celebrasse, vel pro elemosyna, vel pro mera eorum devotione.

Sac. C. Concil. die 14 Maii 1729 respondit : *Ad I, affirmative; ad II, affirmative, et servetur constitutio san. mem. Innocentii XII, super celebratione Missarum, et amplius.*

131. CAPUTAQUEN. in qua ad sequentia dubia.

I. An presbyteri ecclesiarum parochialium S. Nicolai et S. Andreae apostoli teneantur quotidie canere Missam, et ad recitationem divini Officii in choro, et quatenus affirmative.

II. An non interessentes subijci possint punctatura, et quomodo illa sit regulanda.

III. An teneantur ad recitationem divini Officii cum habitu talari, birreto clericali, et cotta tam in diebus festis, quam feriatis.

IV. An ad celebrationem Missæ matutinæ in diebus festis teneantur iidem presbyteri per turnum, vel potius parochus tantum, illamque applicare pro populo et quatenus affirmative ad primam partem.

V. An presbyter celebrans Missam matutinam teneatur fidei rudimenta, et Evangelium populo explanare, vel potius idem parochus.

VI. An iidem presbyteri participantes de decimis prædialibus teneantur per turnum assistere cuiuslibet moribundo, juxta decretum episcopi, vel potius teneantur tantum coadjuvare eundem parochum, ejusque substitutum in concursu, seu copia ægrotantium.

VII. An illi, qui assistere renuunt, sint puniendi super eisdem decimis.

Sac. congreg. Concil. die 14 Maii 1729 respondit : *Ad I, affirmative, et supplicent pro moderatione servitii; ad II, dilata; ad III, affirmative; ad IV, negative quoad primam, et affirmative quoad secundam partem; ad V, teneri parochum; ad VI, presbyteros hortandos, sed non cogendos nisi in casu necessitatis; ad VII, affirmative in casu necessitatis.*

132. BIRGEN. in qua adseq. dub. An toleranda sit consuetudo immemorabilis de præstando convivio per capellanum noviter receptum, seu potius improbanda, in casu, etc.

Sac. cong. Concil. die 3 Septembris 1729 respondit : *Negative quoad primam partem et affirmative quoad secundam, et ad mentem.*

133. NULLIUS, seu MONTIS CASINI, distributionis subsidiarum, in quo ad sequentia dubia.

I. An subsidia dotalia præstanda sint consanguineis testatoris recurrentibus privative quoad personas extraneas, et quatenus affirmative.

II. Quomodo, et a quo imposterum sint distribuenda cæteris consanguineis.

III. An sit locus restitutioni subsidiarum dotalium per Ordinarios Casinenses distributorum personis extraneis contra expressam mentem testatoris.

S. C. Concil. die 24 Septembris 1729 respondit : *Ad I, affirmative comprehensis etiam affinis ad formam testamenti; ad II, distribuenda esse ab Officialibus confraternitatis SS. Sacramenti hæredis prævio edicto consanguineis, et affinis servata gradus prærogativa, et in casu æqualitatis gradus per extractionem, iis vero deficientibus distribuenda modo, quo supra aliis extraneis, servata forma testamenti; ad III, dilata, et coadjuventur probationes.*

134. NUSCANA Funeris, in qua ad sequens dubium:

An licitum fuerit P. angelico ordinis Reformatorum deferre cadaver, non obstante inhibitione episcopi, et proinde an censuræ sustineantur, in casu, etc.

S. C. C. die 14 Januarii 1750 respondit : *Suspensis censuris P. imposterum se abstineat a similibus.*

135. NULLIUS, seu MONTIS CASINI, Distributionis subsidiarum dotalium, in qua ad seq. dub.

I. An, et quomodo sit standum, vel recedendum a decisis quoad secundum dubium.

II. An sit locus restitutioni subsidiarum dotalium per Ordinarios Casinenses distributorum personis extraneis contra expressam mentem testatoris, in casu, etc.

S. C. C. die 28 Januarii 1750 respondit : *Ad I, in decisis, ut Ordinarius, seu ab eo deputatus assistat, et omnia faciat loco P. Guardiani Capuccinorum, servata forma testamenti, et fiant gratis; ad II, ad eminentissimum præfectum juxta mentem.*

136. ROMANA Distributionum, in qua ad seq. dub.

I. An distributiones debeant canonico coadjuto extra Urbem commoranti, suo pariter coadjutore extra Urbem causa infirmitatis degente.

II. An luca provenientia ex punctaturis, et absentibus canonicorum, quæ presentibus accrescunt, debeantur canonicis coadjutoribus, sive potius coadjutis, in casu, etc.

S. C. C. die 19 Augusti 1750 respondit : *Ad I, affirmative, quatenus uterque habeat indultum abessendi; ad II, deberi canonicis coadjutis.*

137. FIRMANA Subsidiarum dotalium, in qua ad seq. dub.

An, et usque ad quem gradum competat prælatio consanguineis, et affinis testatoris ad subsidia dotalia de quibus agitur.

S. C. C. die 9 Septembris 1750 respondit : *Competere consanguineis, et affinis testatoris in quocunque gradu conjunctis.*

138. MEDIOLANEN. Quartæ funerariæ, in qua ad seq. dub.

I. An, et quomodo sit facienda divisio intortitorum, et candelarum ardentium in die funeris, et officii præsentis cadavere, in altaribus, columnis, et aliis locis ecclesiæ regularis tumultantis.

II. An, et quomodo sit facienda divisio earundem candelarum, et intortitorum quæ in ecclesiis tumultantibus accenduntur occasione officiorum, seu exsequiarum faciendarum in diebus sequentibus post tumulationem cadaveris.

III. An, et quomodo inter parochos et Regulares, qui cadaver per viam non comitantur, dividenda sint intortitia manualiter gesta accensa in itinere a sacerdotibus sæcularibus occasione delationis cadaveris ad ecclesiam regularem tumultantem.

IV. An, et quomodo dividendæ sint candelæ, quæ manualiter gestantur accensæ a Regularibus intra propriam ecclesiam tempore funeris, vel exsequiarum et Officiorum.

V. An, et quomodo sit facienda divisio cenotaphii, culcitæ, et aliorum ornamentorum in eo existentium.

VI. An, et quomodo sint dividendæ pecuniæ in casu, quo illæ tradantur ab hæredibus defuncti in locum ceræ.

VII. An Regulares occasione funerum et Officiorum teneantur accendere omnes candelas, quas recipiunt ab hæredibus defuncti in altaribus ecclesiæ, in casu, etc.

S. C. C. die 9 Septembris 1750 respondit : *Ad I, II, III, V et VI, divisionem esse faciendam pro medietate; ad IV, dilata; ad VII, affirmative.*

139. CALAGURITANA Juris visitandi, in qua ad seq. dub.

I. An intret arbitrium pro aperitione oris, in casu, etc., et quatenus negative.

II. An capitulo cathedralis ecclesiæ Calaguritanæ, sede vacante, ejusque vicario capitulari competat jus visitandi ecclesiam S. Mariæ della Redonda, ejusque dignitates, canonicos et presbyteros, in casu, etc.

S. C. C. die 30 Septembris 1750 respondit : *Ad I, negative; ad II, affirmative, et amplius.*

140. SPOLETANA Juris visitandi, in qua ad seq. dub.

I. An decreta, seu provisiones episcopi Spoletani sustineantur, in casu, etc.

II. An episcopo competat jurisdictionis visitandi capellam, de qua agitur, in casu, etc.

III. An constet de attentatis, et quomodo sint purganda, in casu, etc.

S. C. C. die 30 Septembris 1750 respondit : *Ad I, affirmative; ad II, affirmative ad formam decreti in Nucerna Paganorum 25 Julii 1629; ad III, negative, et amplius.*

141. CAPRITANA, in qua ad seq. dub.

I. An suspensio a celebratione missæ sacerdotum Francisci Vassalli, et Sabbati de Stephano per episcopum Capritanum lata ex informata conscientia, sustineatur, in casu, etc., et quatenus affirmative, etc.

II. An, et quomodo sint absolvendi, in casu, etc.

III. An liceret curiæ metropolitanæ Amalphis concedere inhibitionem vigore appellationis ab eadem suspensione contra curiam Capritanam suffraganeam, et absolutionem cum reincidentia committere parochi Arcuccio, in casu, etc.

IV. An carceratio eorumdem sacerdotum demandata per curiam Capritanam suffraganeam fuerit attentata.

V. An liceret eidem curiæ metropolitanæ Amalphis eosdem sacerdotes excarcerare, vel potius illorum excarceratio fuerit attentata, et quomodo sint purganda, in casu, etc.

S. C. C. die 16 Decembris 1750 respondit : *Ad I, affirmative; ad II, arbitrio episcopi; ad III et IV,*

negative; ad V, quoad primam partem negative, quoad secundam affirmative, et vicarius generalis Amalphitanus accedat ad Urbem.

142. PIENTINA, in qua ad seq. dub.

I. An canonici collegiatæ ecclesiæ S. Quirini teneantur diebus Dominicis, et festis de præcepto ad applicationem Missæ conventualis pro benefactoribus juxta decretum hujus S. congregationis, in casu, etc., et quatenus affirmative.

II. An dignitates, et canonici ejusdem collegiatæ, quibus incumbit cura animarum, teneantur ad eandem applicationem dictis diebus festis, quibus debent applicare pro populo, vel possint applicare simul pro populo, et benefactoribus, in casu, etc.

S. C. C. die 17 Februarii 1731 respondit: Ad I, affirmative; ad II, affirmative ad primam partem, et negative ad secundam, et amplius.

143. PIENTINA Remissionis onerum, in qua ad seq. dubia.

I. An capitulares secundæ erectionis collegiatæ sanctissimæ Trinitatis terræ Senalongs teneantur diebus Dominicis, et festis de præcepto ad applicationem Missæ conventualis pro benefactoribus juxta decretum hujus sac. congregationis, in casu, etc.

II. An dignitates, et canonici dictæ collegiatæ, quibus incumbit cura animarum, teneantur ad eandem applicationem dd. diebus festis, quibus debent applicare pro populo, vel possint applicare simul pro populo et benefactoribus, in casu, etc.

Sac. C. C. die 17 Februarii 1731 respondit: Ad I, affirmative; ad II, affirmative ad primam partem, et negative quoad secundam, et amplius.

144. RAVENNATEN. Visitationis, in qua ad seq. dub.

I. An capella, et altare Sancti Antonii sita in ecclesia PP. Minorum de Observantia Ravennæ, subsint visitationi reverendissimi archiepiscopi.

II. An ornamenta et suppellectilia ejusdem altaris et capellæ, spectantia ad eosdem Patres possint ab eo visitari.

III. An ea spectantia ad societatem Sancti Antonii, quæ in actu visitationis servantur in arca, aut in alio loco, visitari debeant in locis, in quibus aservantur; seu potius asportanda sint intra capellam prælatam, ibique visitari.

S. C. C. die 7 Aprilis 1731 respondit: Ad I, affirmative, ad formam Nucerinæ; ad II, negative; ad III, posse visitari ubicunque servantur.

145. PAPIEN. Subsidiæ dotalis, in qua ad seq. dub.

I. An electio puellæ oratricis ad subsidium dotale, de quo agitur, sit exsequenda, et quatenus negative.

II. An P. Guardianus Capuccinorum Papiæ possit devenire ad novam electionem puellæ alterius; seu potius an dictum subsidium sine alia nominatione ejusdem P. Guardiani sit applicandum favore unius ex puellis orphanis Conservatorii Papiæ, in casu, etc.

Sac. congreg. Concil. die 21 Aprilis 1731 respondit: Ad I, negative; ad II, subsidium applicandum esse favore Conservatorii, et ad mentem.

146. MEDIOLANEN. Quartæ funerariæ, in qua ad seq. dub.

I. An sit standum vel recedendum a decisio die 9 Septembris 1750.

II. An, et quomodo dividendæ sint candelæ, quæ in manibus gestantur accensæ a Regularibus intra propriam ecclesiam tempore funeris, vel exsequiarum et officiorum.

Sac. C. C. die 2 Junii 1751 respondit: Ad I, in decisio quoad primum, secundum et tertium, sextum et septimum. Quantum ad quintum, in decisio, servata forma constitutionum synodalium; ad II, divisionem esse faciendam pro mediæ, et amplius.

147. LEODIEN. in qua ad sequens dubium.

1. An, et quæ alia onera sustineantur, in casu, etc.

S. C. C. die 1 Septembris 1751 respondit: Quoad

duo annua convivia, negative; quo vero ad cappam, dilata, et scribatur Ordinario juxta instructionem.

148. ROMANA Oneris Missarum, in qua ad seq. dub.

I. An religiosi ecclesiæ Sancti Francisci ad Ripam præferri debeant in celebratione Missarum; vel potius sit in libero arbitrio hæredis deputare quoscunque alios sacerdotes.

II. An, et a quo sint solvenda utensilia.

III. An quatenus possit hæres deputare externos sacerdotes, et Religiosi non permittant eis celebrationem in propria ecclesia absque utensilium solutione, concedenda sit translatio celebrationis Missæ quotidianæ ad aliam ecclesiam.

Sac. congreg. Concil. die 12 Januarii 1752 respondit: Ad I, affirmative ad primam partem, et negative ad secundam, in casu tamen, de quo agitur; ad II, solvenda esse ab hæreditate; ad III, provisum in primo.

149. AQUEM. Præminentiarum, et jurium parochialium, in qua ad seq. dub.

I. An constet de matricitate, vel majori antiquitate ecclesiæ Sanctæ Mariæ Magdalens Montis Barutti, et respective de filiatione vel subordinatione ecclesiarum parochialium Sancti Antonii et Sancti Martiani ejusdem loci.

II. An benedictio fontis baptismalis, ignis, aquæ, etc., in Sabbato Sancto, et Sabbato Pentecostes private spectet ad archipresbyterum pro tempore ecclesiæ Sanctæ Mariæ Magdalens, vel potius ad unumquemque ex tribus parochiis, et quatenus affirmative ad primam partem.

III. An alii duo teneantur dictis functionibus interesse, et an, et quibus pœnis sint plectendi si non intersint.

IV. An jus indicendi, et convocandi processiones generales, quæ fiunt juxta ritum Ecclesiæ, et consuetudinem loci private spectet ad dictum archipresbyterum Sanctæ Mariæ Magdalens, et in ea incipiendæ, et terminandæ sint.

V. An dictæ processiones generales fieri debeant in ecclesia Sanctæ Mariæ Magdalens cum coactivo accessu parochorum Sancti Antonii et Sancti Martiani, ita ut iis non liceat facere eas in eorum ecclesiis parochialibus; sive potius alternative fieri debeant singulis annis in altera ex dictis ecclesiis, et quatenus affirmative ad secundam partem.

VI. An dictis processibus alternative faciendis interesse debeant alii parochi.

VII. An liceat paroco Sancti Antonii in processione deferre, tam intra, quam extra ecclesiam venerabile lignum S. crucis die festo ejusdem Inventionis.

VIII. An die festo Sanctiss. Corporis Christi liceat eidem paroco Sancti Antonii, ac etiam parochis Sanctæ Mariæ Magdalens, ac Sancti Martiani processionem peragere, tam intra, quam extra suas respective ecclesias cum augustissimo Sacramento, illudque publicæ adorationi in ea exponere.

IX. An, et cui ex dictis ecclesiis private competat prior pulsatio campanarum in Sabbato Sancto.

X. An constet de attentatis commissis a paroco Sanctæ Mariæ Magdalens, et quomodo purganda sint.

Sac. congreg. Concil. die 8 Martii 1752 respondit: Ad I, constare de majoritate ecclesiæ Sanctæ Mariæ Magdalens; ad II, affirmative ad primam partem, et negative ad secundam; ad III, affirmative ad primam partem, et quoad secundam arbitrio episcopi; ad IV, affirmative; ad V, affirmative ad primam partem, et negative ad secundam; ad VI, provisum in superioribus; ad VII, affirmative; ad VIII, servetur decretum episcopi; ad IX, ecclesiæ Sanctæ Mariæ Magdalens; ad X, affirmative: et esse purganda per viam circumscriptionis: et amplius in omnibus.

150. BAJONEN. Jurium parochialium, et præminentiarum, in qua ad seq. dub.

I. An constet de parochialitate ecclesiarum rectoralium Sancti Georgii, et Sancti Bartholomæi et Sanctorum Angeli et Mercurii terræ Campobassi, et quatenus affirmative.

II. An constet de matricitate ecclesiæ archipresbyteralis Sanctæ Mariæ, et respective filiatione dictarum ecclesiarum rectoralium.

III. An liceat unicuique rectori dictarum ecclesiarum Sancti Georgii, Sancti Bartholomæi, et Sanctorum Angeli et Mercurii erigere propriis sumptibus in suis respective ecclesiis particulares fontes baptismales, et quatenus negative.

IV. An, et quomodo providendum sit in defectum fontis baptismalis ecclesiæ collegialis Sancti Leonardi recenter dirutæ.

V. An liceat unicuique ex dictis rectoribus proprios particulares conficere, et retinere libros baptizatorum, atque ex iis fides baptismatum respective extrahere; vel potius unicus liber fieri debeat asservendus ab archipresbytero, dictaque extractio ab ipso solum archipresbytero private fieri debet.

VI. An benedictio fontis baptismalis ecclesiæ archipresbyteralis fieri possit ab ipso archipresbytero, ita ut impediri nequeat; vel potius fieri debeat a rectoribus per turnum private quoad ipsum archipresbyterum.

VII. An idem archipresbyter possit aliquando, et ad ejus libitum ministrare per se ipsum sacramentum baptismi infantibus de familiis dictarum ecclesiarum rectoralium, vel potius id semper private spectet ad proprium cujuscunque familiæ rectorem, aut alium ab eo substituentum.

VIII. An exteri uxorem ducentes de familiis ecclesiarum rectoralium possint eligere ecclesiam rectoralem familiæ uxoris pro futura administratione sacramentorum in exclusionem ecclesiæ archipresbyteralis.

IX. An advenæ famulatum præstantes oppidanis de familiis ecclesiarum rectoralium censi debeant de iisdem familiis, ita ut subjeant pro administratione sacramentorum ecclesiæ rectorali familiæ, cui inserviunt, private quoad archipresbyterum.

X. An in processibus funeralibus pro defunctis de familia alicujus ecclesiæ rectoralis præcedentia, et usus stolæ respective debeatur rectori personæ defunctæ, aut illius substituto; private etiam quoad archipresbyterum, vel potius præcedentia et usus stolæ competat archipresbytero private etiam quoad rectorem dictæ personæ defunctæ.

XI. An in iisdem processibus funeralibus pro defunctis de familiis ecclesiarum rectoralium, quæ fiunt capitulariter cum toto collegio, liceat archipresbytero exigere duplicatam portionem ex emolumentis associationis.

XII. An in associatione pauperum defunctorum, qui suberant ecclesiæ archipresbyterali, vel rectoralibus, quæ fiant gratis, intervenire debeat totum corpus collegii, seu capituli, vel potius solus rector, vel respective archipresbyter ecclesiæ, cui defunctus subjectus erat.

XIII. An ex fructibus, qui distribuuntur in collegio Sancti Leonardi, et ex elemosynis Missarum, quas collegium seu capitulum accepit a gubernatoribus confraternitatis Sanctiss. Sacramenti, debeatur archipresbytero portio duplex, vel sola portio æqualis, ac aliis de collegio.

XIV. An in aliis processibus non funeralibus, ad quas accedit totum corpus capituli, seu collegii, usus stolæ private competat soli archipresbytero, vel potius cumulative etiam rectoribus.

XV. An, et qui teneantur assistere in officio diaconi et subdiaconi archipresbytero celebranti in processibus, et Missis solemnibus Pentecostes, Ascensionis et Corporis Christi; et quatenus teneantur rectores.

XVI. An iis diebus eadem assistentia præstanda

sit etiam œonomo archipresbyteri impediti celebranti.

XVII. An in processibus feriæ secundæ, tertiæ et quartæ Rogationum, et in processione votiva, quæ fit prima die Maii, possit archipresbyter ad suum libitum functiones explere per se ipsum cum pluviali; vel potius id private spectet ad rectores juxta regulas Capitulationum anni 1715.

XVIII. An, a quibus, et quibus diebus facienda sit benedictio crucium distribuendarum juxta solitum per portas oppidi, et ad pii populi devotionem.

XIX. An pulsatio campanarum, quæ diebus festis pro Missa solemnibus fieri solet ab ecclesia rectorali Sancti Georgii, ante alias rectorales, et archipresbyteralem, pendere debeat ab arbitrio archipresbyteri, vel potius private a solo arbitrio rectoris, et quatenus negative ad primam partem.

XX. An dictis diebus festis pro Missa solemnibus ecclesiæ archipresbyterali pulsare suas campanas, antequam pulsentur campanæ dictæ rectoralis Sancti Georgii.

XXI. An procurator collegii, ad quem spectat demandare primam pulsationem campanarum ecclesiæ rectoralis Sancti Georgii, in omnibus processibus funeralibus totius oppidi demandare debeat dictam pulsationem sine licentia archipresbyteri; vel potius de ejus licentia, in casu, etc.

Sac. cong. Concil. die 24 Maii 1752 respondit: Ad I, affirmative; ad II, constare de majoritate, non autem de matricitate; ad III, nihil innovandum; ad IV, reponendum esse in ecclesia S. Leonardi, quatenus fuerit reedificata, alias provideat episcopus pro suo arbitrio; ad V, servetur solitum; ad VI, benedictionem faciendam esse per turnum juxta statuta anni 1715; ad VII, negative ad primam partem, et affirmative ad secundam; ad VIII, affirmative; ad IX, affirmative; ad X, affirmative ad primam partem, et negative ad secundam; ad XI, affirmative, absque tamen participatione conventuum Stolæ; ad XII, posse, sed non teneri; ad XIII, affirmative ad primam partem, negative ad secundam, exceptis elemosynis Missarum; ad XIV, negative ad primam partem, et affirmative ad secundam; ad XV, serventur Statuta anni 1715; ad XVI, archipresbytero impedito, celebrare debere, non œonomum, sed canonicum antiquiorem cum assistentia aliorum canonicorum; ad XVII et XVIII, serventur Statuta anni 1715; ad XIX, pulsationem campanarum libere fieri posse ab omnibus ecclesiis, excepto Sabbato Sancto, quo die spectat prima pulsatio ad ecclesiam archipresbyteralem; ad XX, provisum in superiori; ad XXI, servetur solitum, et amplius in omnibus.

151. FABRIANEN. fontis baptismalis, et juris baptizandi, in qua ad seq. dub.

I. An erectio fontis baptismalis, facta in ecclesia parochiali S. Blasii sustineatur.

II. An liceat paroco ecclesiæ cathedralis S. Venantii in ea baptizare natos in alienis parochiis, etiam fontem baptismalem habentibus; seu potius spectet private ad unumquemque parochum habentem in sua ecclesia, baptismum conferre propriis parochianis, in casu, etc.

Sac. C. Conc. die 21 Junii 1752 respondit: Ad I, negative; ad II, servetur solitum, et amplius in omnibus.

152. PERUSINA Ordinationis, in qua ad seq. dub.

I. An Fr. Antonius Nicolaus Ligi valide susceperit ordinem ostiariatus.

II. An ordinatio sit iteranda sub conditione.

III. An, et in quam penam d. Fr. Antonius Nicolaus incidit, ita ut indigeat absolute, vel dispensatione et quatenus affirmative.

IV. An sit concedenda, in casu, etc.

Sac. C. Conc. die 19 Julii 1752 respondit: Ad I, affirmative; ad II, negative; ad III, pro absolvi-